



Broj/ Број : 02/2-50-1-23-29/09

Sarajevo/ Сарајево: 22.7.2009. godine

ZAPISNIK

29. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 22.7.2009. godine

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije, u svojstvu članova, prisustvovali su: Alma Čolo, Dušanka Majkić, Adem Ibrahimpašić i Slobodan Šaraba, te Nenad Pandurević, sekretar, i Dobrinka Savić, stručni saradnik u Komisiji. Opravdano je odsustvovao Branko Zrno. (Rudi Vidoviću je zbog prelaska na dužnost ministra saobraćaja i komunikacija BiH pretao mandat delegata u Domu naroda PSBiH, pa time i članstvo u Komisiji, a novi član do održavanja sjednice još nije bio imenovan).

Sjednici su, u svojstvu predlagача i izjavitelaca, prisustvovali: Kojo Koprivica, pomoćnik ministra komunikacija i prometa BiH, Nermina Skejović-Hurić, stručni savjetnik u Ministarstvu vanjske trgovine i ekonomskih odnosa BiH, Hajrija Dautović, viši stručni saradnik u Ministarstvu civilnih poslova BiH, Savo Marjanac, direktor Sektora privrede u Vanjskotrgovinskoj komori BiH, i Zoran Brkić, viši stručni saradnik u Sektoru za odnose s javnošću u PSBiH.

Sjednica Komisije počela je u 15 sati.

Prije rasprave o dnevnom redu, predsjedavajuća Komisije konstatirala je da sjednici ne prisustvuju članovi Komisije iz hrvatskog naroda, međutim dodala je da Komisija ima kvorum za rad, s obzirom da je posljednjim izmjenama Poslovnika Doma naroda predviđeno da je za donošenje odluka potrebno prisustvo najmanje većine članova Komisije. Dalje je dodala da je za konačne odluke Komisije za koje nije predviđeno izjašnjavanje Doma naroda i dalje neophodno da većina za njihovo donošenje uključuje sva tri konstitutivna naroda, ali da za današnju sjednicu nije predviđeno razmatranje takvih tačaka dnevnog reda.

U nastavku je predsjedavajuća otvorila raspravu o predloženom dnevnom redu i s tim u vezi predložila da tačka 1. Usvajanje Zapisnika 28. sjednice Komisije, koja je bila predložena u dnevnom redu, dostavljenom uz poziv za sjednicu, ne bude danas razmatrana iz jednostavnog razloga što zapisnik prethodne sjednice još uvijek nije lektoriran na tri jezika te nije dostavljen članovima Komisije. Predložila je da se Zapisnik 28. sjednice razmatra na nekoj od narednih sjednica nakon što bude lektoriran i blagovremeno dostavljen članovima Komisije. Članovi Komisije jednoglasno su prihvatili prijedlog predsjedavajuće Komisije.

U nastavku rasprave o dnevnom redu Dušanka Majkić predložila je da se tačka 11. predloženog dnevnog reda: Razmatranje prijedloga Vijeća ministara BiH za imenovanje članova Vijeća Regulatorne agencije za komunikacije BiH ne razmatra na današnjoj sjednici, a kao razlog za to navela je činjenicu da se Predstavnički dom PSBiH još nije izjasnio o ovom prijedlogu Vijeća ministara BiH te da je Komisija za saobraćaj i komunikacije Predstavničkog doma prilikom razmatranja ove tačke usvojila zaključak kojim je predložila Predstavničkom domu PSBiH “da odgodi izjašnjavanje o prijedlogu Vijeća ministara BiH za imenovanje članova Vijeća Regulatorne agencije za komunikacije BiH i to do konačne odluke po zahtjevu Regulatorne agencije za komunikacije BiH za autentičnim tumačenjem člana 36. st. (2) i (3) i člana 40. stav (1) Zakona o komunikacijama i okončanja zakonom propisane procedure potvrde imenovanje generalnog direktora Agencije.“

Predsjedavajuća Komisije podržala je prijedlog da se navedena tačka ne razmatra, a kao dodatni razlog za to navela je činjenicu da ona, kao i još neki članovi Komisije, nisu dobili materijale za ovu tačku, iako je u prpratnom aktu navedeno da im se dostavljaju. Članovi Komisije jednoglasno su podržali prijedlog da se Prijedlog Vijeća ministara BiH za imenovanje članova Vijeća Regulatorne agencije za komunikacije BiH skine s dnevnog reda,

Nakon što je zaključila raspravu o dnevnom redu, predsjedavajuća Komisije Alma Čolo je za sjednicu predložila sljedeći

D N E V N I R E D

1. Davanje saglasnosti za ratifikaciju Dodatnog protokola Evropske konvencije o uzajamnoj pomoći u krivičnim stvarima (ETS No. 99), Strazbur, 17. marta 1978. godine;
2. Davanje saglasnosti za ratifikaciju Sporazuma o uspostavljanju Regionalne škole za javnu upravu (ReSPA);
3. Davanje saglasnosti za ratifikaciju Konvencije o procjeni okolišnih uticaja u prekograničnom kontekstu, Espoo, Finska, 25. februara 1991.godine;
4. Davanje saglasnosti za ratifikaciju Konvencije o sprečavanju većih industrijskih nezgoda, br.174 iz 1993. godine, i Preporuke o sprečavanju većih industrijskih, nezgoda br. 181 iz 1993. godine, Međunarodne organizacije rada;
5. Davanje saglasnosti za ratifikaciju Preporuke Međunarodne organizacije rada o razvoju ljudskih potencijala, obrazovanju, osposobljavanju i stalnom usavršavanju, br. 195 iz 2004. godine;
6. Davanje saglasnosti za ratifikaciju Preporuke Međunarodne organizacije rada koja se odnosi na listu profesionalnih oboljenja, br. 194 iz 2002. godine;
7. Davanje saglasnosti za ratifikaciju Preporuke Međunarodne organizacije rada o otvaranju radnih mjesta u malim i srednjim preduzećima, br. 189 iz 1998. godine;
8. Davanje saglasnosti za ratifikaciju Preporuke Međunarodne organizacije rada o promovisanju zadruga, br 193 iz 2002.godine;
9. Davanje saglasnosti za ratifikaciju Preporuke Međunarodne organizacije rada koja se tiče radnog odnosa, br. 198 iz 2006. godine;
10. Razmatranje izvještaja i informacija Ministarstva vanjskih poslova BiH:
 - Sastanak Evropskog vijeća, Brisel, 18. i 19.6.2009.;
11. Tekuća pitanja.

Predloženi dnevni red usvojen je jednoglasno.

Ad.1. Davanje saglasnosti za ratifikaciju Dodatnog protokola Evropske konvencije o uzajamnoj pomoći u krivičnim stvarima (ETS No. 99), Strazbur, 17. marta 1978. godine

Ad.2. Davanje saglasnosti za ratifikaciju Sporazuma o uspostavljanju Regionalne škole za javnu upravu (ReSPA)

Predsjedavajuća Komisije predložila je da se oba međunarodna sporazuma razmatraju zajedno s obzirom da su oba u nadležnosti Ministarstva pravde BiH i da se odnose na istu problematiku. Prijedlog je jednoglasno prihvaćen. Predsjedavajuća je konstatirala da sjednici ne prisustvuje predstavnik nadležnog ministarstva, ali je ipak predložila članovima Komisije da predlože Domu naroda davanje saglasnosti. Dodala je da su ova dva sporazuma kao i svi drugi koji se nalaze na dnevnom redu već razmotreni na sjednici Komisije za vanjske poslove Predstavničkog doma i da je predloženo davanje saglasnosti za ratifikaciju, a Predstavnički dom ih razmatra na sjednici koja je upravo u toku.

Članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Dodatnog protokola Evropske konvencije o uzajamnoj pomoći u krivičnim stvarima (ETS No. 99), Strazbur, 17. marta 1978. godine, i*
- *Sporazuma o uspostavljanju Regionalne škole za javnu upravu (ReSPA).*

Ad.3. Davanje saglasnosti za ratifikaciju Konvencije o procjeni okolišnih uticaja u prekograničnom kontekstu, Espoo, Finska, 25. februara 1991.godine;

Za dodatne informacije i obrazloženja o pomenutoj konvenciji, u ime nadležnog Ministarstva vanjske trgovine i ekonomskih odnosa BiH, bila je prisutna Nermina Skejović-Hurić, stručni savjetnik.

Članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Konvencije o procjeni okolišnih uticaja u prekograničnom kontekstu, Espoo, Finska, 25. februara 1991.godine.*

Ad.4.Davanje saglasnosti za ratifikaciju Konvencije o sprečavanju većih industrijskih nezgoda, br.174 iz 1993. godine, i Preporuke o sprečavanju većih industrijskih, nezgoda br. 181 iz 1993. godine, Međunarodne organizacije rada;

Ad.5.Davanje saglasnosti za ratifikaciju Preporuke Međunarodne organizacije rada o razvoju ljudskih potencijala, obrazovanju, osposobljavanju i stalnom usavršavanju, br. 195 iz 2004. godine;

Ad.6.Davanje saglasnosti za ratifikaciju Preporuke Međunarodne organizacije rada koja se odnosi na listu profesionalnih oboljenja, br. 194 iz 2002. godine;

Ad.7.Davanje saglasnosti za ratifikaciju Preporuke Međunarodne organizacije rada o otvaranju radnih mjesta u malim i srednjim preduzećima, br. 189 iz 1998. godine;

Ad.8.Davanje saglasnosti za ratifikaciju Preporuke Međunarodne organizacije rada o promovisanju zadruga, br. 193 iz 2002.godine;

Ad.9.Davanje saglasnosti za ratifikaciju Preporuke Međunarodne organizacije rada koja se tiče radnog odnosa, br. 198 iz 2006. godine;

S obzirom da su sporazumi pod tačkama od 4. do 9. dnevnog reda u nadležnosti Ministarstva civilnih poslova BiH, prihvaćen je prijedlog predsjedavajuće Komisije da se razmatraju zajedno.

Za dodatne informacije i eventualna pitanja članovima Komisije na raspolaganju je bila predstavnica Ministarstva civilnih poslova BiH Hajrija Dautović, viši stručni saradnik.

Članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Konvencije o sprečavanju većih industrijskih nezgoda, br.174 iz 1993. godine, i Preporuke o sprečavanju većih industrijskih nezgoda br. 181 iz 1993. godine, Međunarodne organizacije rada,*
- *Preporuke Međunarodne organizacije rada o razvoju ljudskih potencijala, obrazovanju, osposobljavanju i stalnom usavršavanju, br. 195 iz 2004. godine,*
- *Preporuke Međunarodne organizacije rada koja se odnosi na listu profesionalnih oboljenja, br. 194 iz 2002. godine,*
- *Preporuke Međunarodne organizacije rada o otvaranju radnih mjesta u malim i srednjim preduzećima, br. 189 iz 1998. godine,*
- *Preporuke Međunarodne organizacije rada o promoviranju zadruga, br. 193 iz 2002.godine, i*
- *Preporuke Međunarodne organizacije rada koja se tiče radnog odnosa, br. 198 iz 2006. godine.*

Ad.10. Razmatranje izvještaja i informacija Ministarstva vanjskih poslova BiH:

- Sastanak Evropskog vijeća, Brisel, 18. i 19.6.2009.

Članovi Komisije primili su k znanju informaciju Ministarstva vanjskih poslova BiH o sastanku Evropskog vijeća u Briselu, 18. i 19.6.2009. godine.

Ad. 11. Tekuća pitanja

U okviru ove tačke nije bilo rasprave.

Sjednica Komisije završena je u 15,30 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo